

## Ch'él pa che dèida ala preparaziun di Sacramènc ?

Sciòche i un bele publiché, orunse ciamó n iade perié sce zacai se dèida cun l'aiüt de n curs de formaziun en chësc altonn. I adorun dër ciamó na porsona o l'atra por podèi tigní le curs tla Val Badia. Se informé y prenoté pro Annamaria Fiung tel. 347 5277810.

\*\*\*\*\*

*Attraverso i sacramenti incontriamo Gesù per lasciarlo agire in noi. A volte partecipiamo alla Messa contro voglia, oppure viviamo la Confessione come un dovere, per non parlare del Battesimo che neanche ricordiamo.*

*“Conosciamo la data del Battesimo?”*

*“Come viviamo la Santa Messa?”*

*“Quando è stata l'ultima volta che mi sono confessato?”*

*A partire da queste domande Papa Francesco ci scuote e ci aiuta a comprendere il significato e l'importanza dei sacramenti, il modo in cui ciascuno di essi trasforma la vita del cristiano nella vita stessa di Cristo.*

*Riscopriremo così la gioia di ricevere il dono che Gesù ci fa di se stesso, per poter diventare, a nostra volta, dono per gli altri.*

*( Papa Francesco )*

**La Portina por l'assistenza y cura te Raiun Sozio-Sanitar a Picolin** é daverta da sègn inant: lünesc dales 14:00 ales 16:00, mercui y jöbia dales 10:00 ales 12:00. An pó ince telefoné al 0474 586123 tratan chisc orars.


**Le Raiun Sozial Val Badia** chir personal y plü avisa 1 pedagogh/ga sozial/a al 50% y 1 assistent/a sozial/a a tèmp plègn dal 1° de dezember 2022 inant. Infos pro Siglinde Erlacher, Tel 0474 524507.

**Formaziun:** l'Assoziaziun Ciasas de Palsa de Südtirol y la Lichtenburg da Nals mèt a jì na formaziun da operadú/dèssa sozio-sanitar/a, dai 7 de novèmer 2022 cina de otober 2023 por jogn/jones dai 18 agn insö, mames - che do ester stades a ciasa pro i mituns – oress jì te n ciamp nü, porsones co oress pié ia cun na esperiënza de laur nöia. Termo d'iscriziun ai 16.09.2022. Infos te Ciasa de Palsa y valentin.erlacher@ciasadepalsa.it o al 0474 524786

**Museum Ladin:** en ocasiun di 35 agn dala descorida dl ander de Conturines pita le Museum ladin chëstes manifestaziuns:

- *Escurjiun al ander de Conturines* cun esperc, sabeda ai 24.09.2022. Post de incuntada: dales 08:30 dan la Capanna Alpina, San Ciascian. Düc pó tó pert debann. En cajo de burt tèmp vègn l'escurjiun desdita, mo al vègn pité dales 15:00 na vijita menada tl Museum Ladin Ursus ladinicus.

- *Stories de piceres laurs* cun Erika Castlunger tl Museum Ladin a San Ciascian vëndres, ai 23.09 dales 17:00 - domènia, ai 25.09.22 dales 10:30 y dales 17:00 por mituns dai 3 ai 8 agn, prisc: 3,00 Euro. Infos y prenotaziuns: Museum Ladin 0474 524020, info@museumladin.it



## Plata dla Ploania Badia

San Iaco - San Linert


Ploan: Siur Iaco Wendelin Willeit  
Cell. 347 909 4532

Calonia Badia: 0471/839571

E-Mail: [parrocchiabadia@libero.it](mailto:parrocchiabadia@libero.it)

Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „C“ 11.09. – 18.09.2022 XXIV° Domènia Tèmp Ordinar n. 42



Ralegresse cun me;  
i á indò ciafé mia biscia che è  
pordüda.

### Vangele dla proscima Domènia - 25° dl Ann “C”

Lüca 16,10-13

Te chël tèmp á Gejú dit a sü discepui: Chël che é de parora tles pices cosses, chël l'é ince tles granes, y chël che fej de tort tles plü pices cosses, chël le fej ince tles granes. Sc'i ne sèis nia stá de parora tla richèza iniüsta, che ves confidará pa spo la dërta richèza? Sc'i ne sèis nia stá de parora cun la proprieté di atrí, che ves confidará pa spo osta dërta proprieté? Degun stlâf ne pó sorví dui patruns; o al ti ará le sènn a un y ti orará bun al ater, o al tignará da un y desprijará l'ater. I ne podèis nia sorví intrami, Idí y le mamonn.

# FUNZIUNS SACRES

## 11.09. 24<sup>a</sup> DOMÈNIA dl ANN C

10.00 Zelebrazion dla Parora

14.00 Funziun cun i pelegrins da Desproch

18.00 †to Christof Irsara

por fam. Sandro y Emma Canins

## 13.09. Mertesc – S. Jan Crisostomus

19.30 †ta Emma Castlunger y families

†ti de Davide y Maria Alfreider

†ti genitori di Davide

## 14.09. Mercui - Esaltaziun dla Santa Crusc

07.30 Prozesciun da S. Linert a La Crusc

09.30 La Crusc: Santa Mëssa

por les animes dl purgatore

10.00 – 12.00 Ores de adoraziun por vocaziuns

## 15.09. Jöbia - S. Maria Adolorada

- degüna mëssa -

## 16.09. Vëndres - S. Cornel y Ziprian

07.30 †ti da Fussé

†ti Marta y Pasquale Pitscheider

†ti Angel y Sabina Pitscheider

## 17.09. Sabeda - S. Hildegard da Bingen

16.00 Mëssa a Oies

## 18.09. 25<sup>a</sup> DOMÈNIA dl ANN C - Segra de Badia

**Aniversar dla Consacraziun de nosta dlija**

10.00 Mëssa por la Comunité

†ti Otto y Waltraud Pizzinini

†ta Loise Pallestrong

†ta Clara Nagler Crazzolara

18.00 por i novic Stefan Piccolruaz y Christin Clara

†to Florian Valentini – aniversar

†ta Vica Piccolruaz

# Dala VITA dla CÜRA

## Festa dl'Esaltaziun dla Santa Crusc

**Mercui, ai 14 de setëmber**

dales 07:30 prozesciun da S. Linert a La Crusc

dales 09:30 a La Crusc: S. Mëssa

dales 10:00 Ora arjignada ca dala comunité da La Ila

dales 11:00 Ora arjignada ca dala comunité da Calfosch

dales 12:00 Benedisciun y conclujiun

I pelegrins da Desproch vëgn indô chësta domënia, ai 11 de setëmber sö Oies. Ai tignará spo dales 14:00 te dlija da S. Linert na funziun.

Mëssa en recort dl sorvidú de Dî siur Heinrich Videsott: en domënia, ai 18 de setëmber, dales 14:30 a La Val.

Conzert a S. Maria: le cor Kerygma inviëia duc al conzert te dlija de Badia en domënia ai 11 de setëmber dales 20:30 cun Jakob Senoner - orghi da botuns, Hannes Campeï - chitara, Agnes Irsara - direziun y orghe, tesc meditatifs de Sonja Schmid.

Conzert a fin de bëgn "UNITÉ, na varieté de corusc se liëia": le cor "Mosaic Singers&Players" d'Al Plan de Mareo organisëia dui conzerc te salf dles manifestaziuns a Al Plan, en sabeda ai 17 de setëmber dales 20:00 y la domënia ai 18 de setëmber dales 18:00.

Cursc de teologia a Porsenú: les iscriziuns, por chi che ess interes, mëss gní fates anter le 16 de setëmber 2022 pro le Dekanat der Phil.-Theol. Hochschule Bx al nr. tel. 0472/271121 o a [theologischekurse@pthsta.it](mailto:theologischekurse@pthsta.it) o [www.pthsta.it](http://www.pthsta.it).

Pröma incuntada dla Jungschar: i se incuntun cun les mitans ai 17 de setëmber dales 09.30 te local di jogn a Badia.